

Broj: A-III-51/24-IV
Sarajevo, 29.11.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 2. stav (1) tačka l) pod 2) i člana 69. stav (2) tačka d) Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke roba: „**Nabavka tonera i drum-ova (photoconductor) za potrebe Kantonalnog tužilaštva Kantona Sarajevo**“, date u Zapisniku broj: A-III-51/24–III od 28.11.2024. godine, Glavna kantonalna tužiteljica donosi:

ODLUKU

o poništenju postupka javne nabavke tonera i drum-ova (photoconductor) za potrebe Kantonalnog tužilaštva Kantona Sarajevo

I


Prihvata se preporuka Komisije za javne nabavke i poništava se postupak javne nabavke tonera i drum-ova (photoconductor) za potrebe Kantonalnog tužilaštva Kantona Sarajevo, broj: A-III-51/24 od 07.11.2024. godine, objavljen na Portalu javnih nabavki dana 07.11.2024. godine u 10:53 sati, pod brojem: 274-1-1-194-3-26/24, iz razloga što nijedna blagovremeno dostavljena ponuda nije prihvatljiva (Član 2. stav (1) tačka l) pod 2) ZJN), jer iste prelaze planirana odnosno osigurana sredstva ugovornog organa za nabavku.

II

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

III

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav 2. ZJN.



O b r a z l o ž e n j e

Na osnovu Odluke o pokretanju postupka javne nabavke broj: A-III-51/24 od 06.11.2024. godine pokrenut je postupak javne nabavke roba: „*Nabavka tonera i drum-ova (photoconductor) za potrebe Kantonalnog tužilaštva Kantona Sarajevo*“, procijenjene vrijednosti 40.000,00 KM bez PDV-a, putem Otvorenog postupka javne nabavke roba.

Obavještenje o nabavci broj: 274-1-1-194-3-26/24 od 07.11.2024. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.


Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 (u daljem tekstu Komisija) je dana 28.11.2024. godine u 10:45 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, u kojem je konstatovala da su predmetnom postupku blagovremeno zaprimljene dvije (2) ponude. Javnom otvaranju ponuda nije bio prisutan niko od predstavnika ponuđača. Zapisnik sa otvaranja ponuda dostavljen je svim ponuđačima u zakonskom roku, u skladu sa članom 63. stav 6. Zakona o javnim nabavkama.

Nakon otvaranja ponuda, Komisija je sačinila Zapisnik o pregledu i ocjeni ponuda broj: A-III-51/24-III od 28.11.2024. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su zaprimljene dvije ponude i to ponude ponuđača: **„Alf-om“ d.o.o. Banja Luka – PJ Istočno Sarajevo i „Defter“ d.o.o. Sarajevo**. Vrijednost ponude ponuđača „Alf-om“ d.o.o. Banja Luka – PJ Istočno Sarajevo prema zapisniku sa otvaranja ponuda iznosi 52.976,00 KM, a vrijednost ponude ponuđača „Defter“ d.o.o. Sarajevo iznosi 47.519,89 KM.

S obzirom da vrijednosti obje dostavljene ponude prelaze procijenjenu vrijednost javne nabavke u iznosu od 40.000,00 KM, Komisija za javna nabavke nije ni vršila dalju analizu ponuda, s obzirom da se u skladu sa članom 2. stav (1) tačka 1) pod 2) ZJN **ponude čija cijena prelazi planirana odnosno osigurana sredstva ugovornog organa za nabavku proglašavaju neprihvatljivim**. S tim u vezi, budući da vrijednosti obje blagovremeno dostavljene ponude prelaze planirana, odnosno osigurana sredstva ugovornog organa za nabavku, ponude ponuđača: **„Alf-om“ d.o.o. Banja Luka – PJ Istočno Sarajevo i „Defter“ d.o.o. Sarajevo proglašavaju se neprihvatljivim**.



Bosna i Hercegovina
Federacija Bosne i Hercegovine
Kantonavno tužilaštvo
Kantona Sarajevo

Cijeneći naprijed navedeno, primjenom člana 2. stav (1) tačka 1) pod 2) i člana 69. stav (2) tačka d) ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav 1) tačka d) ZJN.



GLAVNA KANTONALNA TUŽITELJICA

Meliha Đugalija

Dostavljeno:
- Ponuđači x 2;
- Komisija,
- U spis.